



შირაკი

SHIRAKI

ბაგოლის 1937 წლიდან

დედოფლისწყაროს მუნიციპალიტეტის გაზეთი

№8 (10.113)

23-30 მარტი 2024 წელი

ფასი: 60 თეთრი
ყოველკვირეული გამოცემა

მერების შეთანხმება ბრიუსელში

12-17 მარტს დედოფლისწყაროს მუნიციპალიტეტის მერი ოფიციალური ვიზიტით ბრიუსელში იმყოფებოდა. ნიკოლოზ ჯანიაშვილი მერების შეთანხმების აღმოსავლეთის პროექტის საბჭოს სხდომაზე პირადად „მერების შეთანხმება - აღმოსავლეთის“ გუნდის ლიდერმა კრისტოფ ფრერინგმა მიიწვია.

ვიზიტის ფარგლებში დედოფლისწყაროს მუნიციპალიტეტის მერი მონაწილეობდა კონფერენციაში „ევროკავშირის მწვანე შეთანხმება ადგილობრივ ქმედებებში.“ აღნიშნულ კონფერენციაზე ხელი მოეწერა მერების შეთანხმებას „მწვანე გარდაქმნისათვის“. ევროკავშირის ქვეყნების მერებთან ერთად დოკუმენტს ხელი მოაწერეს ქართული დელეგაციის წევრებ-



მა, მათ შორის, დედოფლისწყაროს მუნიციპალიტეტის მერმა.

მდგრადობის, კლიმატის სტრატეგიების და ღონისძიებების შემუშავებისა და განხორციელების გამოცდილების გაზიარების მიზნით, კონფერენციის მონაწილეები იმყოფებოდნენ ბელგიის ქალაქ ლუვენში, აღნიშნული პროექტის ეფექტურად განხორციელების მიზნით ასევე განხორციელდა სხვა ღონისძიებებიც.

მერების შეთანხმების აღმოსავლეთის პროექტის საბჭოს სხდომაზე საქართველოს გარდა, იმყოფებოდნენ დელეგაციები სომხეთიდან, აზერბაიჯანიდან, მოლდოვიდან და უკრაინიდან. ადგილობრივი თვითმმართველობებიდან საქართველოს დელეგაციის შემადგენლობაში დედოფლისწყაროს მუნიციპალიტეტის მერთან ერთად იმყოფებოდა ასევე ქუთაისის მერი იოსებ ხახალეიშვილი.

ნიკოლოზ ჯანიაშვილის განმარტებით, ვიზიტი მნიშვნელოვანი და წარმატებული იყო.



იაპონია დედოფლისწყაროს სახანძრო მანქანას გადასცემს

შინაგან საქმეთა სამინისტროს საგანგებო სიტუაციების მართვის სამსახური, იაპონიის საელჩოს დახმარებით კიდევ ორ სახანძრო-სამაშველო ავტომობილს მიიღებს. ისინი დედოფლისწყაროსა და საჩხერეში განაწილდება.

იაპონიის საელჩოში გამართულ ოფიციალურ ცერემონიაზე, საგრანტო ხელშეკრულებას ხელი საგანგებო სიტუაციების მართვის სამსახურის უფროსმა - თემურ მღებრიშვილმა და იაპონიის საგანგებო და სრულუფლებიანმა ელჩმა - იშიძუკა ჰიდეკიმ მოაწერეს.

ოფიციალური მიღების ფარგლებში საგანგებო სიტუაციების მართვის სამსახურის უფროსმა, თემურ მღებრიშვილმა და კახეთის მხარეში სახელმწიფო რწმუნებულმა, გიორგი ალადაშვილმა დამსწრეებს სიტყვით მიმართეს და ელჩს განუცხადეს დახმარებისთვის მადლობა გადაუხადეს. შეხვედრას ესწრებოდნენ დედოფლისწყაროს



მუნიციპალიტეტის მერის მოადგილე - მალხაზ მერაბიშვილი და საჩხერის მუნიციპალიტეტის მერი - ლევან ივანაშვილი.

ახალი სახანძრო-სამაშველო ავტომობილები განკუთვნილია როგორც ტყის, ასევე ურბანულ ხანძრებთან ბრძოლის წინააღმდეგ. გადმოცემული ავტომობილები, საჩხერის და დედოფლისწყაროს სახანძრო-სამაშველო განყოფილებებში განაწილდება.

პროექტი იაპონიის მთავრობის გრასრუტისა და ადამიანის უსაფრთხოების საგრანტო დახმარების (GGP) პროგრამის ფარგლებში განხორციელდება. პროექტის ფარგლებში, იაპონელი პარტნიორების დახმარებით გადმოცემული უკვე მე-8 სახანძრო-სამაშველო ავტომობილია. მხარეებს შორის თანამშრომლობა 2018 წლიდან მიმდინარეობს და მომავალშიც აქტიურად გაგრძელდება.

დედოფლისწყაროში მედიაციის ცენტრი გაიხსნა

დედოფლისწყაროსა და დემანისში საერთაშორისო სტანდარტების შესაბამისი მედიაციის სივრცეები გაიხსნა. ადგილზე მედიაციის პროცესის საჭიროებები სრულად არის გათვალისწინებული. მხარეებისთვის უზრუნველყოფილია მოლაპარაკების წარმოების ყველა პირობა. სათანადოდ აღჭურვილ სივრცეში ყველა პირობაა იმისთვის, რომ მედიატორებს დაკისრებული მოვალეობის შესრულება გაუმარტივდეთ.

მედიაციის ახალი სივრცეებით სარგებლობა ასევე შეეძლება აღსრულების ეროვნული ბიუროს მხარეთა ინტერესების დაცვის მენეჯერებსა და სოციალურ მუშაკებს სააღსრულებო საქმისწარმოების პროცესის განსახორციელებლად.



მედიაცია დამზარალბელსა და დაზარალბულს შორის არსებულ კონფლიქტის ამონურვას ემსახურება. ის ადგენითი მართლმსაჯულების პრინციპებს ეყრდნობა და ორიენტირებულია დანაშაულის შემხებლობაში მყოფი ყველა პირის ჩართულობაზე, მათი საჭიროებების იდენტიფიცირებასა და საჭიროებების დაკმაყოფილებაზე.

მედიაციის სივრცეები თბილისში, ქუთაისში, ხაშურში, ოზურგეთში, ახალქალაქში, სენაკში, ბათუმში, გორში, საჩხერეში, ხობში და დღეიდან, უკვე დედოფლისწყაროსა და დემანისში მოქმედებს.

ახალი ოფისები დანაშაულის პრევენციის, არასაპატიმრო სასჯელთა აღსრულებისა და პრობაციის ეროვნული სააგენტოს უფროსმა ლადო ხელაძემ და აღსრულების ეროვნული ბიუროს თავმჯდომარე მირიან ხარაბაძემ გახსნეს.

„ევროკავშირმა საქართველოს კარი გაუღო“

ევროკავშირმა საქართველოს კარი გაუღო. ახლა ქართველებმა უნდა გაიარონ ეს კარი. კარი ღიაა, მაგრამ თქვენ თავად უნდა გაიაროთ ეს კარი ერთად, - ამის შესახებ საქართველოში ევროკავშირის ელჩმა, პაველ შერჩინსკიმ განაცხადა.



მისი თქმით, მოხარულია იმით, რომ საქართველომ ევროკავშირში განვერიანებასთან დაკავშირებით განაცხადი გააკეთა და კიდევ უფრო მოხარულია იმით, რომ ევროკავშირმა მას, კანდიდატის სტატუსის მინიჭებით, კარი გაუღო.

„საქართველო ევროკავშირის წევრობის კანდიდატი ქვეყანაა. ახლა ქართველებმა უნდა გაიარონ ეს კარი. ასე რომ, კარი ღიაა, მაგრამ თქვენ თავად უნდა გაიაროთ ეს კარი ერთად. ევროკავშირის ინტეგრაციის პრიორიტეტზე ერთიანობა აბსოლუტურად აუცილებელია, საჭიროა ყველამ ერთად კონსტრუქციულად იმუშაოს, მაგრამ რამდენად სწრაფად გააკეთებთ ამას, თქვენი გადასაწყვეტია. მე ვგულისხმობ იმას, თუ რაიმე მიზეზით გრძნობთ, რომ გჭირდებათ მეტი დრო, ან რომ კიდევ მეტად უნდა დაფიქრდეთ, ან არსებობს სხვა პრიორიტეტები ევროკავშირში ინტეგრაციის გარდა, ეს თქვენი არჩევანია. როგორც ევროკავშირი, ჩვენ პატივს ვცემთ ნებისმიერ არჩევანს, რაც აქ, თბილისში გაკეთდება, მაგრამ რაშიც

ნამდვილად მინდა დაგარნზუნოთ, არის, რომ კანდიდატის სტატუსის მინიჭებით, 27 წევრმა ქვეყანამ ხმამაღლა განაცხადა: კარი ღიაა, გელოდებით“, - აღნიშნა ელჩმა.

კითხვაზე, ევროკომისიის მიერ განსაზღვრული 9 ნაბიჯიდან რომელია ყველაზე უფრო მნიშვნელოვანი, ელჩმა უპასუხა, რომ ყველა მათგანი მნიშვნელოვანია.

„მე სრულად ვეთანხმები, რომ საქართველოს ყველა პოლიტიკური ძალის ერთგულებით, შეუერთდნენ ევროკავშირს, ძალიან მყარი, პროფესიონალური ადმინისტრირებით, ევროკავშირში განვერიანების უზარმაზარი სახალხო მხარდაჭერით, ცხრავე ნაბიჯი შეიძლება ძალიან სწრაფად განხორციელდეს, მაგრამ კიდევ გავიმეორებ, რომ დრო იწურება. როგორც ვიცით, საქართველოში არჩევნები ახლოვდება და საარჩევნო კამპანია არ არის საუკეთესო გარემო სერიოზული რეფორმების განსახორ-

ცივლებლად. ასე რომ, დრო არ უნდა დაიკარგოს“, - აღნიშნა ელჩმა.

დიპლომატის თქმით, ევროკავშირმა საქართველოს კარი გაუღო.

„ევროკავშირმა, თავის მხრივ, საქართველოს კარი გაუღო. საქართველო ევროკავშირის წევრობის კან-

დიდატი ქვეყანაა. ახლა ქართველებმა უნდა გაიარონ ეს კარი. ასე რომ, კარი ღიაა, მაგრამ თქვენ თავად უნდა გაიაროთ ეს კარი ერთად. ევროკავშირის ინტეგრაციის პრიორიტეტზე ერთიანობა აბსოლუტურად აუცილებელია, საჭიროა ყველამ ერთად კონსტრუქციულად იმუშაოს, მაგრამ რამდენად სწრაფად გააკეთებთ ამას, თქვენი გადასაწყვეტია. მე ვგულისხმობ იმას, თუ რაიმე მიზეზით გრძნობთ, რომ გჭირდებათ მეტი დრო, ან რომ კიდევ მეტად უნდა დაფიქრდეთ, ან არსებობს სხვა პრიორიტეტები ევროკავშირში ინტეგრაციის გარდა, ეს თქვენი არჩევანია. როგორც ევროკავშირი, ჩვენ პატივს ვცემთ ნებისმიერ არჩევანს, რაც აქ, თბილისში გაკეთდება, მაგრამ რაშიც ნამდვილად მინდა დაგარნზუნოთ, არის, რომ კანდიდატის სტატუსის მინიჭებით, 27 წევრმა ქვეყანამ ხმამაღლა განაცხადა: კარი ღიაა, გელოდებით“, - აღნიშნა ელჩმა.

„ჩვენთან ერთად და არა ჩვენთვის...“

21 მარტი დაუნის სინდრომის შესახებ ცნობიერების ამაღლების დღეა. დედოფლისწყაროს მუნიციპალიტეტის თვითმმართველობის მხარდაჭერით დედოფლისწყაროს კულტურის სახლში ამ დღისადმი მიძღვნილი ღონისძიება ჩატარდა. ღონისძიებას დედოფლისწყაროს მუნიციპალიტეტის მერი ნიკოლოზ ჯანიაშვილი და საკრებულოს თავმჯდომარე ნუგზარ პაპიაშვილი თანამშრომლებთან ერთად დაესწრნენ.

ირინა ფიროსმანაშვილი, პედაგოგი — „არა მხოლოდ ეს დღე, არამედ თითოეული დღე უნდა იყოს დაუნის სინდრომის მქონე ადამიანებზე ზრუნვის დღე. დიდი მადლობა დედოფლისწყაროს ადგილობრივ ხელისუფლებას, რომ ამ დღეს ყოველთვის აღნიშნავენ, რითიც ხელს უწყობენ ცნობიერების ამაღლებას. ფაქტია, რომ დაუნის სინდრომთან დაკავშირებით საზოგადოებაში კვლავ არსებობს სტიგმა, რომელიც ყველამ ერთად უნდა დავანეროთ. დაუნის სინდრომი გენეტიკური ცვლილებაა და ის არ არის დაავადება. დაუნის სინდრომის მქონე ადამიანს ნაცვლად 46 ქრომოსომისა, აქვს დამატებით ერთი ქრომოსომა 21-ე წყვილში, რასაც 21-ე წყვილის ტრისომია ეწოდება. ყოველი 800 ბავშვიდან ერთი დაუნის სინდრომით იბადება. დაუნის სინდრომის მქონე ბავშვი შესაძლებელია ეყოლოს ნებისმიერ ადამიანს. დაუნის სინდრომი დაავადება კი



არა, გენეტიკური ცვლილებაა. დაუნის სინდრომი არც მემკვიდრეობითა და არც გადაემდებოდა. მე, როგორც საგანმანათლებლო სისტემის წარმომადგენელი, კარგად ვიცი, რომ ყველაფერი კეთდება სკოლებში დაუნის სინდრომის შესახებ ცნობიერების ამაღლებისთვის. ჩვენ გვყავს მოსწავლეები ნინი და ლანა, რომელთა ჩართულობითაც ბევრი ღონისძიება იმართება. დაუნის სინდრომის ცნობიერების ამაღლების მიზნით იმართება აქტივობები სახელწოდებით: „მზის შვილები“, „მეგობრები არ ითვლიან ქრომოსომებს“, „ჩვენთან ერთად და არა ჩვენთვის“... განათლების სამინისტრო მათ

აძლევს სწავლის და განვითარების შესაძლებლობას. სწორი აღზრდისა და დროული სოციალიზაციის პირობებში ხედმეტქრომოსომიანი ადამიანები ჩვეულებრივ მოქალაქეებად ყალიბდებიან. ჩვენ სკოლაში გავაგრძელებთ კვირეულს სახელწოდებით „ერთად დავანეროთ სტერეოტიპები“.

ნიკოლოზ ჯანიაშვილი, დედოფლისწყაროს მუნიციპალიტეტის მერი: „დღეს ყველა ვართ ნინისთვის და ლანასთვის შეკრებილები. მათ შობლებს უღრმესი მადლობა, რომ ყოველთვის აქტიურად უდგანან გვერდში მათ შვილებს და ყველაფერს აკეთებენ მათი რესოციალიზაციისთვის. ყოველწლიურად ვატარებთ ღონისძიებას დაუნის სინდრომის ცნობიერების ამაღლების მიზნით. ჩვენც ვიზრდებით და ვაცნობიერებთ, რომ მეგობრები მართლაც არ ითვლიან ქრომოსომებს“.

ღონისძიების დასასრულს დედოფლისწყაროს მუნიციპალიტეტის მერიისა და მეფე ვახტანგ გორგასლის სკოლა-ინტერნატის სახელით ლანას და ნინის სიმბოლური საჩუქრები გადაეცათ. ხოლო იმ პატარებს, რომლებმაც ვერ მოახერხეს ღონისძიებაზე დასწრება (დ.კოკოზაშვილი, მ. ალადაშვილი) ბინაზე გაეგზავნათ საჩუქრები.

ყველაფერი დაიწყო 1866 წელს, როცა ბრიტანელმა ფი-

ზიკოსმა ჯონ დაუნმა პირველმა აღწერა ქრომოსომული პათოლოგია, რომლის დროსაც ადამიანს 46-ის ნაცვლად, 47 ქრომოსომა აქვს და მას მონღოლიზმი უწოდებენ. აღსანიშნავია, რომ 1965 წელს, მონღოლმა დეპუტატებმა ჯანდაცვის მსოფლიო ორგანიზაციას მიმართეს თხოვნით გაეუქმებინათ ეს ტერმინი და სწორედ ამის შემდეგ, სინდრომს აღმომჩენი ფიზიკოსის სახელი ეწოდა. აღსანიშნავია, რომ საფრანგეთში ჩატარებული არქეოლოგიური გათხრების შედეგად, 5-7 წლის ბავშვის ჩონჩხი აღმოაჩინეს, რომელიც V-VI საუკუნეებით დათარიღდა. ეს იყო პირველი ბავშვი დაუნის სინდრომით!

დაუნის სინდრომის საერთაშორისო დღე პირველად 2006 წლის 21 მარტს აღინიშნა და ეს კონკრეტული თარიღიც სპეციალურად შეირჩა. საიუბილეო რიცხვი 21-ე ქრომოსომაზე მიგვანიშნებს, მარტი კი, როგორც წელიწადის მესამე თვე — ტრისომიულ მოვლენას! დაუნი ავადმყოფობა არ არის, ის მდგომარეობაა, სინდრომი! აღიარებული ფაქტია, რომ 47 ქრომოსომის მატარებლები ძალიან კეთილები არიან. მათთვის უბრალო გაღიმებაც კი, ბედნიერების მომტანია. ყველაზე მეტად ახარებთ ადამიანებთან ურთიერთობა. ერთ-ერთი იმ გულწრფელ და ლალ ადამიანთა რიცხვს განეკუთვნებიან, ვისაც უხარიათ, როცა თქვენ გიხარიათ! სულ მარტივად, ერთი გაღიმებითა და ტკბილი სიტყვით შეგიძლიათ მათი ნდობის მოპოვება. ეცადეთ, გააბედნიეროთ, გააღიმოთ და უდიდესი სიყვარული დაანახოთ. საბედნიეროდ, დღეს, სახელმწიფოსა და პროფესიონალი ექიმების თუ კეთილი ადამიანების დახმარებით, დაუნის სინდრომის მქონე ადამიანები ჩვენთან, ყოველდღიურ ცხოვრებასთან ინტეგრირებული არიან. დაუნის სინდრომი ბრძანდებოდა, ერთ დღესაც, კიდევ უფრო უკეთეს მსოფლიოში გავიღვიძებთ თუ 47 ქრომოსომიან გოგო-ბიჭებს უფრო მეტს გავუღიმებთ, მეტს ვიმრომებთ მათი სწრაფი ნაბიჯებით განვითარებისათვის და მეტად ვეცდებით შევუქმნათ გარემო, სადაც თავს განსხვავებულებად კი არა, განსაკუთრებულებად იგრძნობენ!

ინგა შიოლაშვილი



პრემიერი ირაკლი კობახიძე გუბერნატორებსა და მერებს შეხვდა

საქართველოს პრემიერ-მინისტრი ირაკლი კობახიძე რეგიონებში სახელმწიფო რწმუნებულებს და მუნიციპალიტეტების მერებს შეხვდა. შეხვედრაზე იმყოფებოდნენ კახეთის გუბერნატორი გიორგი ალადაშვილი და დედოფლისწყაროს მერი ნიკოლოზ ჯანიაშვილი.

მთავრობის მეთაურმა განხორციელებულ საკადრო ცვლილებებზე ისაუბრა და სახელმწიფო რწმუნებულებს და მუნიციპალიტეტების მერებს რეგიონებთან ურთიერთობის დეპარტამენტის



უფროსი ნიკოლოზ ტყემალაძე და შიდა ქართლის სახელმწიფო რწმუნებული ლევან ხარაბაძე წარუდგინა. შეხვედრაზე რეგიონებში მიმდინარე და დაგეგმილი პროექტები განიხილეს და ცალკეულ მუნიციპალიტეტებში არსებულ საჭიროებებზე იმსჯელეს.

პრემიერ-მინისტრმა სახელმწიფო რწმუნებულებს და მუნიციპალიტეტების მერებს მიმდინარე და განსახორციელებელი პროექტების მიმართულებით სრული მხარდაჭერა აღუთქვა. გუბერნატორებმა და მერებმა მთავრობის მეთაურისგან კონკრეტული დავალებები მიიღეს, რომლებზე მუშაობაც უახლოეს თვეებში მოუწევთ.

სიღნაღთან დამაკავშირებელი გზის მოასფალტება გრძელდება

დედოფლისწყაროს მუნიციპალიტეტის სიღნაღის მუნიციპალიტეტთან დამაკავშირებელი ადგილობრივი მნიშვნელობის საავტომობილო გზის რეაბილიტაციის სამუშაოები გრძელდება. ამ ეტაპზე მიმდინარეობს ასფალტის საფარისა და ხელოვნური ნაგებობების მოწყობა. 4 კმ-იან მონაკვეთზე კი, უკვე მოწყობილია ასფალტ-ბეტონის საფარი. პროექტის ფარგლებში რეაბილიტაცია უტარდება 10.5 კმ-იან მონაკვეთს. სარეაბილიტაციო გზა სოფელ არბოშიკიდან იწყება და სოფელ ზემო მაჩხაანს გაივლის. პროექტით გათვალისწინებულია ასფალტ-ბეტონის საფარის დაგება და ხელოვნური ნაგებობების რეაბილიტაცია. ასევე მოეწყობა მოსახლეობის ეზოებში შესასვლელი, მიერთებები და საგზაო ნიშნები. მოინიშნება გზის სავალი ნაწილიც. პროექტი სახელმწიფო ბიუჯეტიდან ფინანსდება და მისი ღირებულება 11.7 მილიონი ლარია. კახეთის რეგიონში საგზაო ინფრასტრუქტურის



12 რეაბილიტაციის და 4 ნაპირსამაგრი და სტიქიის პრევენცია-ლიკვიდაციის პროექტები მიმდინარეობს. პროექტების ფარგლებში, რეაბილიტაცია ჩაუტარდება 138 კმ გზას, საიდანაც 110 კმ გზის რეაბილიტაცია მიმდინარე წელსვე დასრულდება. რეაბილიტირდება ვაზიანი-გომბორი-თელავის საავტომობილო გზის 33.6 კმ-იანი მონაკვეთი, ამ დროისთვის მოწყობილია ხელოვნური ნაგებობების 90% და 12 კმ-ზე

მოწყობილია ასფალტის საფარი. დასრულების ეტაპზეა ახმეტა-ბანარას ნაკრძალის საავტომობილო გზის დუისი-ჯიბახევის 8 კმ-იანი მონაკვეთის რეაბილიტაცია აქტიურად მიმდინარეობს ახმეტა-თელავი-ბაკურციხის უშუალოდ თელავზე გამავალი საავტომობილო გზის 5 კმ-იანი მონაკვეთის სარეაბილიტაციო სამუშაოები. რეაბილიტაცია უტარდება დედოფლისწყაროს მუნიციპალიტეტის სიღნაღის მუნიციპალიტეტთან დამაკავშირებელი ადგილობრივი მნიშვნელობის საავტომობილო გზას. პროექტების დასრულება საავტომობილო გზებზე კომფორტულ და უსაფრთხო გადაადგილებას უზრუნველყოფს პროექტებს ინფრასტრუქტურის სამინისტროს საავტომობილო გზების დეპარტამენტი ახორციელებს, რეაბილიტაციის პროექტების ჯამური ღირებულება 178 მილიონი ლარია. ჯამურად თექვსმეტივე პროექტის ღირებულება კი - 183 მილიონი ლარი

რეგიონული კონფერენცია კახეთში ლიტუველ კოლეგებთან ერთად

ყვარლის მუნიციპალიტეტის და მასთან დამაკავშირებელი პლუნგის მუნიციპალიტეტის (ლიტუვა) ერთობლივი რეგიონული კონფერენცია, სახელწოდებით „თანამშრომლობითი ყვარელი“ გაიმართა. კონფერენცია ოფიციალურად გახსნეს და მოწვეულ სტუმრებს მისასალმებელი სიტყვით მიმართეს კახეთის მხარეში სახელმწიფო რწმუნებულმა, გიორგი ალადაშვილმა და ყვარლის მუნიციპალიტეტის მერმა, გივი ზაუტაშვილმა. კონფერენცია მიზნად ისახავს მუნიციპალიტეტებში საჯარო, კერძო და არასამთავრობო სექტორის შორის თანამშრომლობის გაძლიერებას. კონფერენციაში კახეთის რეგიონში შემავალი თვითმმართველი ერთეულების წარმომადგენლები იღებდნენ მონაწილეობას. მათ შორის იყო დედოფლისწყაროს საკრებულოს თავმჯდომარე ნუგზარ პაპიაშვილი. პროექტის ფარგლებში სექტემბრის თვეში, ასევე, იგეგმება ყვარლის მუნიციპალიტეტიდან

დედეგაციის სასწავლო ვიზიტი ლიტუვას რესპუბლიკაში, გამოცდილების გაზიარების მიზნით.



მესაზღვრის დღე მიულოცეს

დედოფლისწყაროს მუნიციპალიტეტის მერი ნიკოლოზ ჯანიაშვილი და საკრებულოს თავმჯდომარე ნუგზარ პაპიაშვილი საქართველოს შინაგან საქმეთა სამინისტროს სასაზღვრო პოლიციის სახმელეთო საზღვრის დაცვის დეპარტამენტის დედოფლისწყაროს №4 სამმართველოს ენცივენ და მესაზღვრეებს

პროფესიული დღე მიულოცეს. ნიკოლოზ ჯანიაშვილმა და ნუგზარ პაპიაშვილმა მესაზღვრეებს საქართველოს სახელმწიფო საზღვრის დაცვაში გაწეული სამსახურისთვის მაღლობა გადაუხადეს და პროფესიული წარმატებები უსურვეს. საქართველოში მესაზღვრის დღე 1999 წლიდან აღინიშნება.



სასწრაფო დახმარების სამსახურს ახალი ხელმძღვანელი ჰყავს

საგანგებო სიტუაციების კოორდინაციისა და გადაუდებელი დახმარების ცენტრის დედოფლისწყაროს სამსახურის ხელმძღვანელმა ვასილ სამადაშვილმა თანამდებობა დატოვა. საკადრო ცვლილება გაზეთ „შირაქს“ უწყების პრესსამსახურში დაუდასტურეს, თუმცა მიზეზებს არ აკონკრეტებენ. ამ დროისთვის სასწრაფო დახმარების დედოფლისწყაროს სამსახურის ხელმძღვანელის მოვალეობის შემსრულებლად ფატი ჯანყარაშვილი დაინიშნა. პრესსამსახურში არ აკონკრეტებენ, რა ვადით დაეკისრება მას ხელმძღვანელის მოვალეობები, ან როდის და რა წესით შეირჩევა ახალი ხელმძღვანელი. ხელმძღვანელის მოვალეობის შემსრულებელი ფატი ჯანყარაშვილი გაზეთ „შირაქს“ ეუბნება, რომ 19 წლიანი სამუშაო სტაჟი აქვს, საიდანაც 13 წელი სასწრაფო დახმარების სამსახურში გაატარა. „პროფესიით ვარ თერაპევტი, კარდიოლოგი, ოჯახის ექიმი... ასევე გავლილი მა-

ქვს გადაუდებელი დახმარების კურსები, მუშაობის დაწყების დღიდან გარკვეული პერიოდულით გავდივარ პროფესიული განვითარების უწყვეტი გადამზადების კურსს“, — ამბობს ფატი ჯანყარაშვილი. ვასილ სამადაშვილი ადგილობრივ ფილიალს ათ წელზე მეტი ხნის განმავლობაში ხელმძღვანელობდა. საკადრო ცვლილებებზე საჯაროდ საუბარი არც მას სურს.



სპორტი, როგორც ჯანმრთელობის და ჯანსაღი ურთიერთობის საწინდარი

სპორტის სიყვარულმა მისი პროფესიული არჩევანი ბავშვობიდან განსაზღვრა. როგორც თავად ამბობს, ფიზკულტურა, როგორც საგანი, საყვარელი პედაგოგის წყალობით გამოარჩია, რომელიც ფიზკულტურის გაკვეთილებს მეორეხარისხოვნად არ თვლიდა და მოსწავლეებს სპორტული ფორმის „დავინყებას“ ანდა გამოგონილ ავადმყოფობას საპატიო მიზეზად არ უთვლიდა. საბჭოთა ბავშვებს სხვადასხვა ნორმატივების ჩაბარება უნევდათ, ამისთვის მათ შესაბამისი ინფრასტრუქტურაც ჰქონდათ და სპორტული ატრიბუტიკაც. დედოფლისწყაროს ცენტრალური სტადიონიც მეტად დატვირთული იყო შეჯიბრებებით და მუდამ სავსე მოსწავლე-ახალგაზრდობით, რომლებიც სპორტის სხვადასხვა სახეობაში ვარჯიშობდნენ. როგორ აფასებს განვლილ წლებსა და პედაგოგიურ მოღვაწეობას ფიზკულტურის მასწავლებელი ღალი ბენაშვილი, რომელსაც სპორტის დარგში მოღვაწეობის 52-წლიანი სტაჟი აქვს, ამ დღეებში კი დაბადებიდან 75 წელი შეუსრულდა, ამის შესახებ ის გაზეთ „შირაჟს“ ესაუბრება.



უმალესი განათლება. საშუალო სკოლა საკმაოდ მაღალი მოსწრებით დავამთავრე, მაგრამ სპორტის სიყვარულმა და იმ დროს შექმნილმა სიტუაციამ საბოლოოდ განსაზღვრა ჩემი პროფესიული არჩევანი.

— ისეთი საგნები, როგორც იყო მუსიკა, ფიზკულტურა, ხატვა, მეორეულ საგნებზე ითვლებოდა და ბავშვების ცდილობდნენ, ათასნაირი ხრიკი მოეგონებინათ, რომ ნორმატივი არ ჩაებარებინათ. ამის გამო მაღალი მოსწრების მქონე მოსწავლეებს ნიშნებს ნაკლებად აკლებდნენ...

— მაშინ ამ საგანში ნიშნები იწერებოდა. დავით მასწავლებელი სულაც არ იყო ლმობიერი იმ ბავშვების მიმართ, ვინც მის საგანს პატივს არ სცემდა. ძალიან მკაცრი იყო იმ მოსწავლეების მიმართ, ვინც ფორმის გარეშე მოვიდოდა, ან თავის არიდებას ვითომ ავადმყოფობის გამო ცდილობდა. შეუწყნარებელი იყო მათ მიმართ.

— რას იტყვით დღევანდელი გადმოსახედიდან, ბავშვებს რამდენად აინტერესებთ სპორტი? მიუხედავად იმისა, რომ ჯანსაღი ცხოვრების წესის პოპულარიზაციას დიდი ყურადღება ეთმობა სახელმწიფოს მხრიდან, დააშორა თუ არა თანამედროვე ტექნოლოგიებმა ახალგაზრდობა სპორტს?

— არიან ბავშვები, რომლებსაც მართლა უყვართ სპორტი. ისინი სექციაშიც გაერთიანებულები არიან და შეჯიბრებებზეც დადიან. სკოლების ერთ შენობაში გადასვლამ გარკვეული პრობლემებიც შექმნა. პირველ საჯარო სკოლას თავისი სპორტის დარბაზი აღარ აქვს, ასევე არ გვაქვს სპორტული ინვენტარი და იარაღები. გვესმის, რომ ეს პრობლემა დროებითია და

სკოლის ახალი შენობის აშენების შემდეგ სპორტული ინფრასტრუქტურაც მონესრიგდება, მაგრამ დღევანდელი რეალობა არცთუ სასარბიელოა...

ყველა დროში იყვნენ კარგი ბავშვები, რომლებსაც შესაბამისი მონაცემებიც ჰქონდათ და ინტერესიც და ახლაც არიან. კალათბურთის სექციაში ბევრი მოსწავლეა განვერიანებული. კალათბურთელი გოგონები აპრილში მონაწილეობას მიიღებენ კახეთის რეგიონალურ შეჯიბრში და მოგებისთვის სერიოზულად ემზადებიან. ფრენბურთის სექციაში განვერიანებული ბიჭუნების გუნდი საკმაოდ ძლიერია. ბავშვები დაინტერესებულები არიან, რომ შეჯიბრის დროს მეტოქეებს ღირსეულად შეებრძოლონ. ნარსულის მაგალითებს თუ გავითვალისწინებთ, ჩემს მიერ მომზადებულ ახალგაზრდა ფრენბურთელებს ბევრჯერ უსახელებია დედოფლისწყარო არა მარტო რეგიონულ დონეზე, არამედ მთელი ქვეყნის მასშტაბითაც.

— რაიმე კუროზს ხომ არ გაიხ-

კარგი სპორტული მიღწევები ჰქონდა-კარგი თავდასხმელი იყო.

— როგორ გაიცანით მომავალი მეუღლე?

— ჩვენ სკოლიდან ვიცნობდით ერთმანეთს, მაგრამ შორიდან. მამამისი და მამაჩემი ერთ კოლექტივში, „ორჯონიკის“ სახელობის კოლმეურნეობაში მუშაობდნენ. ვიცოდი, რომ „ბაღროს“ (გივი პაპუაშვილი) ეძახდნენ, პაპის სახელს. ინსტიტუტის დამთავრების შემდეგ რაიონში რომ დავებრუნდი, „ჩალაბა“ და გივი სტადიონზე ერთად მოდიოდნენ ხოლმე, რადგან ორივე ფეხბურთელი იყო. აქ უკვე კოლეგიალური ურთიერთობა ჩამოგვიყალიბდა. სპორტის მასწავლებლები ვიყავით და ერთმანეთს ხან კალათბურთის თამაშში და კალათში ბურთის ჩაგდებაში ვეჯიბრებოდით, ხან სპორტის სხვა სახეობაში. ნაგებულს შოკოლადის ფილა უნდა ეყიდა. ამჯერად ნაგებული „ბაღრო“ აღმოჩნდა. მე კალათში ბურთი ყველაზე წარმატებით ჩავაგდე. მან შოკოლადის ფილა მომიტანა. მე კი გადავწყვიტე, მისთვის „სასტვენო“ მომეტანა, რომლის არქონაზეც მან დაინუნუნა. ასე, კალათბურთის თამაშში კი დავახლოვდით, მაგრამ მისი ნამდვილი სახელი არ ვიცოდი, ვერც ვეკითხებოდი. მეორე დღეს მოვუტანე დაპირებული სასტვენი. სტადიონზე ბავშვებს ვავარჯიშებ.

ამ დროს გამოიარა „ბაღრომ“. სასტვენი მაქვს, მაგრამ ვერ ვეძახი. გამოსავალი მოეძებნე და სასტვენს სული ჩაებრე. სტვენის ხმაზე მოიხედა და მიხვდა, რომ დანაპირები შევასრულე. ასე, უხმო ზრუნვით დაიწყო ჩვენი ურთიერთობა, რომელიც ოჯახის შექმნით დაგვირგვინდა.

გვეყოლა ორი შვილი, ორივე ვაჟი. უფროსი, კახა, მალე 50 წლის გახდება, უმცროსი კი 47 წლის. ორივე ბავშვს მიდრეკილება ჰქონდა სპორტისადმი, და რადგან მთელი ოჯახი ვიყავით სპორტული, 1984 და 1989 წლებში ორჯერ გავედით საოჯახო სპარტაკიადზე. გავიმარჯვეთ ჯერ რეგიონული მასშტაბით, შემდეგ კი გავხდით საქართველოს ჩემპიონები. 1989 წელს რაიონის გუნდებიდან ჩვენ გავედით პირველ ადგილზე საქართველოს მასშტაბით, საქალაქო გუნდებიდან-ბოისას ოჯახი. ორივე ოჯახი წავედით მოსკოვში, სადაც ორი კვირის მანძილზე მონაწილეობა მივიღეთ საკავშირო ფესტივალში. ეს იყო ძალიან კარგად ორგანიზებული და სპორტული ღონისძიებებით დატვირთული დღეები, რომლებსაც დღემდე სიამოვნებით ვიხსენებ.

— რას ეტყობთ მომავალ თაობას?

— მეტად დაკავდნენ სპორტით, იყვნენ ფიზიკურად აქტიურები იმისთვის, რომ იყვნენ ჯანმრთელები. დღეს, კომპიუტერმა და ტელეფონმა ბავშვებს თამაში და ნაღდი, უშუალო ადამიანური ურთიერთობები დაავინყა. მეტი სპორტული ვარჯიში ჯანმრთელობის სანინდარია, ეს განსაკუთრებით მაშინ, როცა ხერხემლის დაავადებები ძალიან გაახალგაზრდავდა. „ჯანსაღ სხეულში რომ ჯანმრთელი სულია“, ეს არც წარსულის გადმონათობაა და არც მითი, ეს რეალობაა.

ესაუბრა

ინგა შიოლაშვილი



სენებდით თქვენი სპორტული ცხოვრებიდან...

— მე ტანვარჯიშის სექციაშიც დავდიოდი მოსწავლეობის დროს. მასხოვს, ერთხელ, ე.წ. ტაიჭზე უნდა გადავმხტარიყავით ფეხშლით ხტომით. გადახტომის დროს ცალი ფეხი უხერხულად წამომედო და მუხლით დავეცი. მივიღე ტრავმა და მუხლი დამისივდა. ტკივილზე მეტად იმის მეშინოდა, რომ სიმართლის გაგების შემთხვევაში მშობლები სექციაზე აღარ გამიშვებდნენ. ამიტომ ტყუილის თქმა მომიწია, ვითომ კიბეზე წავექეცი. სექციიდან არავის გამოვუყვანივარ, მაგრამ იძულებითი პაუზა კი ავიღე ტანვარჯიშის გაკვეთილებზე. ახლა ამ და სხვა კუროზებს ღიმილით ვიხსენებ.

— თქვენ და ოჯახი...

— მეუღლე კარგი სპორტსმენი იყო. სამწუხაროდ, ჩვენ სიკვდილმა დაგვაშორა. მან რუსეთში დაამთავრა ზოოტექნიკური ფაკულტეტი, სტუდენტობისას თამაშობდა სტავროპოლის გუნდში, სანამ საქართველოში იყო, თამაშობდა თბილისის ლოკომოტივის საფეხბურთო გუნდში. მას საკმაოდ



გაცვლითი პროგრამის კიდევ ერთი მონაწილე

ქ. დედოფლისწყაროს №2 საჯარო სკოლის კურსდამთავრებული მარიამ სენიაშვილი, რომელიც ამჟამად შავი ზღვის საერთაშორისო უნივერსიტეტის ამერიკისმცოდნეობის მეოთხე კურსის სტუდენტია, „ერასმუს“-ის გაცვლითი საგანმანათლებლო პროგრამის ფარგლებში პოლონეთში იმყოფებოდა, სადაც ერთი სემესტრი მანოვიის აკადემიაში ისწავლა. მარიამი სამშობლოში რამდენიმე კვირის წინ დაბრუნდა და გაზეთი „შირაქი“ სწორედ პოლონურ შთაბეჭდილებებზე საუბრობდა შეხვდა.



მარიამ სენიაშვილი: „ერასმუს“-ის პროგრამაში მონაწილეობა ჩემთვის არ ყოფილა მოულოდნელი, ბავშვობიდან ვოცნებობდი გაცვლით პროგრამაში მონაწილეობასა და ამ გამოცდილების მიღებაზე. მოგეხსენებათ, ყველაფერი ოცნებით იწყება, რასაც ამ ოცნების ახდენისთვის ბრძოლა მოსდევს. სწორედ ასე მოხდა ჩემს შემთხვევაშიც. საკმაოდ პატარა ასაკიდან დავისახე მიზნად, რომ ოდესმე გაცვლით პროგრამის მონაწილე ვყოფილიყავი და ამ მიზანს ბევრი შრომის შედეგად მივაღწიე. ამ პროცესში ბევრი ბარიერი იყო და ერთ-ერთი დიდი დაბრკოლება ჩემთვის პანდემია აღმოჩნდა, რამაც იმედი თითქმის გადამინწურა, მაგრამ მაინც გავაგზავნე შესაბამისი

დოკუმენტები და მიზანს მივაღწიე.
— **ამ პროგრამაში მოხვედრა მარტივი არ არის, რა გზა განვლეთ გამგზავრებამდე?**

— რა თქმა უნდა, არც ამ პროგრამაში მონაწილეობა იყო მარტივი, ვინაიდან მთელი ეს პროცესი საკმაოდ დამლევლი და სტრესული იყო, თუმცა, შედეგზე ორიენტირებული და წარმატების მომტანი. ჩემი აკადემიური მოსწრება და აქტიურობა გადამწყვეტი აღმოჩნდა, გვიარე კონკურსი და ბევრი ლოდინისა და ინტერვიუების შემდეგ შემარჩიეს ერასმუსის პროგრამის მონაწილედ, რომლის ფარგლებშიც ერთი სემესტრი პოლონეთში ვისწავლიდი.

— **რამი დაგეხმარა პოლონური გამოცდილება?**

— თავიდანვე ვიცოდი, რომ ჩემთვის ეს პროგრამა დიდი გამოცდილების მომტანი იქნებოდა და ასეც მოხდა. უპირველესად, იმიტომ რომ უცხო ქვეყანაში გამგზავრება სირთულეებთან ბრძოლას, საკუთარი თავის განვითარებას და პრიორიტეტების გადახარისხებას გასწავლის. ყველაფრის კეთება დამოუკიდებლად გინევს, რაც ცხოვრებისეულად გზრდის და გაძლიერებს. დარწმუნებული ვარ, სამომავლოდ ჩემს კარიერულ წინსვლაში ეს პროგრამა უმნიშვნელოვანეს როლს ითამაშებს. ამ პროგრამამ ბევრი რამ მასწავლა, როგორც კარიერულად, ასევე ადამიანური უნარ-ჩვევების კუთხით. ვფიქრობ, იქ ყოფნამ საკმაოდ განმავითარა და დამარწმუნა იმაში რომ, ახალ გამოწვევებზე უარი არასდროს უნდა თქვა.

რაც ყველაზე მთავარია, მივიღე ცოდნა, რითაც დარწმუნებული ვარ, ჩემს სფეროში უფრო მეტად კომპეტენტური გავხდები. იქ სწავლასთან ერთად ასევე დიდი მნიშვნელობა ენიჭება სტუდენტურ ცხოვრებას, რამაც კიდევ უფრო მრავალფეროვანი გახადა ეს 5 თვე. იყო ადგილობრივი თუ საერთაშორისო აქტივობები, სტუდენტური პროექტები, სხვადასხვა ტურები და ბევრი განსხვავებული ქვეყნის წარმომადგენელი - ეს არის არასრული ჩამონათვალი იმ აქტივობებისა, რაზეც უნივერსიტეტები აქტიურად მუშაობენ.

— **რამდენად კმაყოფილი დაბრუნდი, გამართლდა თუ არა შენი მოლოდინი?**

— საბოლოოდ შემიძლია ვთქვა, რომ ამ პროგრამაში მონაწილეობა საუკეთესო

გადანწყვეტილება იყო ჩემს ცხოვრებაში, რადგან ამ 5 თვეში იმდენი გამოცდილება მივიღე, რამდენსაც, ალბათ, აქ დარჩენის შემთხვევაში კიდევ ბევრი წლის განმავლობაში ვერ მივიღებდი. ჩემი აზრით, აუცილებელია ეს გამოცდილება ბევრ სტუდენტს ჰქონდეს. ამიტომ, ყველას ვურჩევდი, გააკეთონ თავიანთი მაქსიმუმი და განათლების მიღებასთან ერთად, გახადონ თავიანთი სტუდენტური ცხოვრება უფრო საინტერესო და მრავალფეროვანი.

— **როგორია შთაბეჭდილებები და რა პარალელების გავლება შექმნილი ქართულ და პოლონელ ხალხს შორის?**

— მიუხედავად იმისა, რომ საკმაოდ ცივი ქვეყანაა, ეს ხელს არ უშლის იმას, რომ მარტივად იმოგზაურო ქვეყნის მასშტაბით. შემოდგომის ღამეებზე ფერები ნელ-ნელა იცვლებოდა ცივი, მაგრამ სასიამოვნო თოვლით, რაც საშუალებას მაძლევდა ზამთარი უფრო მძაფრად შემეგრძნო. თავდაპირველად, ხალხი ერთი შეხედვით ცივი და უხეში მომეჩვენა, თუმცა, მათი ახლოს გაცნობის შემდეგ მიხვდი, ვცდებოდი. მიუხედავად იმისა, რომ რთულად ენდობიან ადამიანს, საკმაოდ კარგი მეგობრობა იციან, რაც რა თქმა უნდა, დასაფასებელია.

— **პროგრამული ნაწილის გარდა, თავისუფალ დროს რისი მონახულება შექმნილი?**

— ამ 5 თვის საუკეთესო ნაწილი ჩემთვის მაინც მოგზაურობა იყო, ვინაიდან ევროპის ქვეყნებში ეს ძალიან მარტივია. სასიამოვნოა იმ ფაქტის გაზრება, რომ შეგიძლია 5 წუთში დაგეგმი ერთი ქვეყნიდან მეორეში წასვლა და ეს ყველაფერი სხვადასხვა რთული პროცესების გარეშე გააკეთო. შესაბამისად, ამ შანსის ხელიდან გამშვებაც არ იქნებოდა სწორი.

ვიმოგზაურე ავსტრიაში და ჩემთვის და ორივე ქვეყნით აღფრთოვანებული დავრჩი. ულამაზესი იყო ბელვედერის სასახლე და ალბერტინას მუზეუმი ვენაში. ხოლო პრატის სასახლე და წმინდა ნიკოლასის ტაძარი პრაღაში. რა თქმა უნდა, ეს არასრული ჩამონათვალია იმისა, რაც ვნახე, თუმცა, ამ ოთხს გამოგყოფდი ყველაზე მეტად, ვინაიდან მოვიხიბლე მათი არქიტექტურით, ისტორიით და განსხვავებული სტილით. ამასთან ერთად, ჩემთვის ამ მოგზაურობის საუკეთესო



ნაწილია ქვეყნების და ტურისტების მრავალფეროვნება. ყოველთვის დიდ სიამოვნებას მანიჭებდა იმ ქალაქში ყოფნა, სადაც შეიძლება უამრავ ადამიანს შეხვდე სხვადასხვა ქვეყნიდან, განსხვავებული ისტორიებით. ეს ყველაფერი მაძლევს საშუალებას რაც შეიძლება მეტი კულტურა შევიცნო და განსხვავებული ისტორიები მოვისმინო ადამიანებისგან და, რაც მთავარია, ბევრი მეგობარი შევიძინო.

— **სკოლას რა როლი აქვს შენს ცხოვრებაში და რამდენად ახერხებს ის ხარისხიანი განათლების მიცემას?**

— ვიტყვი, რომ სკოლას დიდი წვლილი მიუძღვის ჩემს წარმატებაში. სწორედ სკოლამ ჩამომიყალიბა ის დისციპლინა სწავლისა და განათლებისადმი, რამაც საბოლოო ჯამში მომცა საშუალება მიმელო განათლება ქვეყნის ფარგლებს გარეთ. კარგი სწავლისთვის და შედეგებისთვის თანამედროვე ინფრასტრუქტურასთან ერთად, უმნიშვნელოვანესია გარემო და ის, თუ რამდენად კვალიფიციური მასწავლებლები ასწავლიან აქ. გარემოში ვგულისხმობ კლასებს, მათთან კომუნიკაციას და ასე შემდეგ. პირადად ჩემთვის, ინფრასტრუქტურაზე მეტად მნიშვნელოვანია მასწავლებლებს ენიჭებოდა, რადგან მათი დახმარებით მოვედი იქ სადაც ახლა ვარ. მაშინ როცა სკოლა დავამთავრე, ინფრასტრუქტურა და პირობები, ჩემი აზრით, სხვა სკოლებთან შედარებით, დიდად სახარბიელო არ ყოფილა, მაგრამ ამას ჩემთვის ხელი არ შეუშლია.

ილია მარტყოფლიძე

მარტი და ქალთა უფლებები...

მარტი ქალთა უფლებების თემა. წელიწადში ერთხელ, მთელი მსოფლიოს ქალები ზეიმობენ თავიანთ უფლებებს და თავისუფლებებს. რაც არ უნდა გასაკვირი იყოს, 21-ე საუკუნეშიც, რომელსაც ხშირად „ქალების საუკუნეს“ უწოდებენ, ქალთა უფლებები და მათი დაცვა კვლავ გლობალურ პრობლემად რჩება.

საქართველოში, სადაც ქალთა უფლებების დაცვის საკითხი კვლავ აქტუალურია, სხვადასხვა ორგანიზაციების მიერ ამ მიმართულებით მრავალი პროექტი ხორციელდება. თანამედროვე გოგონები სულ უფრო ხშირად აცხადებენ, რომ მათთვის მთავარი სამსახური და კარიერაა. მათი დედები უმთავრესად ისეთ ოჯახებში იზრდებიან, სადაც „შემომტანი“ მამაკაცი იყო. მიიჩნეოდა, რომ ქალს სათანადო განათლება უნდა მიეღო, მაგრამ მხოლოდ იმისთვის, რომ ღირსეული შვილები აღეზარდა და მთელი ცოდნა და გამოცდილება ოჯახისთვის მოეხმარებინა. ქალიც, როცა ისეთ მეუღლეს შეხვდებოდა, რომელსაც ოჯახის მატერიალურად უზრუნველყოფა შეეძლო, უმეტესად სიამოვნებით ამბობდა უარს სამსახურზე და დიასახლისთა რიგებს ემატებოდა. თუმცა, ეს სრულებითაც არ ნიშნავს იმას, რომ მათი ცხოვრება მხოლოდ სადილ-ვახშმის კეთების, რეცხვა-დალაგებისა და ტელეფონზე საუბრისგან შედგებოდა. ქალების

უმრავლესობა საკმაოდ განათლებული და გემოვნებიანი იყო, ესწრებოდა კონცერტებს, თეატრალურ წარმოდგენებს, მარათვდა წვეულებებს, მოგზაურობდა და მიაჩნდა, რომ ქალისთვის ეს ერთადერთი სწორი ცხოვრების წესი იყო. ჰოდა, ბუნებრივია, არ უნდა უკვირდეთ, რომ მათი შვილები მზად არიან, ბიზნესის ორომტრიალში გადაეშვან და მყუდრო ბინის დიასახლისობა საქმიანი ქალის არცთუ იოლ ცხოვრებაზე გაცვალონ.

გარდა იმისა, რომ საქართველომ ბოლო წლებში ქალთა მიმართ ძალადობისა და ოჯახში ძალადობის პრევენციისა და აღკვეთის შესახებ ევროპის საბჭოს კონვენციის (ე.წ. სტამბოლის კონვენცია) რატიფიცირებით აღებული

ვალდებულებების შესასრულებლად, ქალთა თანასწორუფლებიანობის უზრუნველსაყოფად და ძალადობისგან დასაცავად სხვადასხვა ღონისძიებები გაატარა, საარჩევნო პროცესებში ქალთა მონაწილეობაც ერთ-ერთი წინგადადგმული ნაბიჯია.

საუკუნეების მანძილზე ქალები სოციალური სტატუსის გარეშე ცხოვრობდნენ და მათ არათუ დასაქმების, არჩევნებში ხმის მიცემის უფლებაც კი არ ჰქონდათ. დღესაც კვლავ პრობლემას წარმოადგენს გენდერული თანასწორობის საკითხი და სახელმწიფოს მხრიდან საჭიროებს მრავალი ასპექტით მუშაობას. თუ კაცობრიობის ისტორიას გადავხედავთ, ქალს მამაკაცებთან შედარებით ნაკლები თვითღირსეული უფლებები და პროფესიის მხრივ შეზღუდული შესაძლებლობები ჰქონდათ. ქალი ალიქმებოდა როგორც ოჯახის ბურჯი, მისი უმთავრესი მოვალეობა კი ოჯახი და შვილები იყო. პირველად 1918 წელს საქართველოში, როგორც უმეტეს ქვეყნებში, ქალებმა მოიპოვეს ხმის მიცემის უფლება (სუფრაჟი) და განათლებისა



და პროფესიონალური მოღვაწეობის ფართო ასპარეზი გაეხსნათ. მაგრამ, უპირველეს ყოვლისა, ქალებმა იბრძოლეს და მიაღწიეს იმას, რომ საზოგადოებაში ტრადიციულად აღქმულ იმიჯთან ახალი, საზოგადოებრივ ცხოვრებაში აქტიურად ჩაბმული ქალის სახის შერწყმა მომხდარიყო. რადგან ძალაუფლებისა და პოლიტიკური ლეგიტიმაციის ცენტრად ამომჩვევლს ვალიანობით, განსაკუთრებით იმ მოცემულობაში, როდესაც საქართველოს ამომრჩევლის ნახევარზე მეტი, უფრო კონკრეტულად კი, 53.58% ქალია, ქალების პოლიტიკურ მონაწილეობაზე საუბარი სავალდებულო გენდერული კვლევების მიღებით არ უნდა დავასრულოთ, მათ შორის საზოგადოების იმ ნაწილისთვისაც, რომელსაც გენდერული კვლევები ქალების მიმართ გადანწყვეტილების მიმღებთა „სულგრძელობის“ გამოვლინებად უფრო ესახება, ვიდრე საუკუნოვანი უსამართლობისა და უთანასწორობის გამათანაბრებელ მექანიზმად. აგრეთვე, იმიტომაც, რომ საგალდებულო გენდერული კვლევით არჩეული ქალ პოლიტიკოსებს შეეძლოთ ქალი ამომრჩევლის სახელით საუბარი და მათ მიერ მიღებული გადაწყვეტილებებისა და ინიციატივების ლეგიტიმაცია ქალი ამომრჩევლის დაკვეთის საპასუხოდ.

მომამზადა ილზა ხარაშვილი

როცა «არა» ბეჭდის სისურველია...

საქართველოში მოკლე ტექსტური შეტყობინებების მარკეტინგული ზარის ახალი რეგულაციის ქვეშ მოექცა. პირველი მარტიდან ძალაში პერსონალურ მონაცემთა დაცვის შესახებ ახალი კანონი შევიდა, რომლის მიხედვითაც, სარეკლამო შეტყობინებებს ბიზნესი მომხმარებელს მხოლოდ მისი თანხმობის შემდეგ გაუგზავნის. ცვლილებები ეხება ყველას, ვისაც მოქალაქეთა პერსონალურ მონაცემთა ბაზა გააჩნია.

არასასურველი სარეკლამო SMS-ების გაგზავნის შეზღუდვის მიუხედავად, პირდაპირი მარკეტინგის (საქმიანობა, როდესაც ინდივიდუალურად სთავაზობენ მომხმარებელს კონკრეტული პროდუქტით, ან მომსახურებით სარგებლობას სატელეფონო, ან ნებისმიერი სხვა პირდაპირი საშუალებით) მიზნით, პერსონალურ მონაცემთა სავარაუდო უკანონო დამუშავების ფაქტების არსებობაზე განცხადება გააგრძელა პერსონალურ მონაცემთა დაცვის სამსახურმა. როგორც სამსახური აღნიშნავს, ამ პრობლემით მას მოქალაქეებმა მიმართეს. „სამსახური დადგენილ ვადებში განიხილავს სათანადო ნუსით წარმოდგენილ თითოეულ განცხადებას და შეაფასებს მათში მითითებულ ფაქტობრივ გარემოებებს“, - ნათქვამია განცხადებაში.

„პერსონალური მონაცემთა დაცვის შესახებ“ ახალი კანონი პირველი მარტიდან მოქმედებს. მონაცემთა პირდაპირი მარკეტინგის მიზნით დამუშავება დასაშვებია მხოლოდ ინფორმირებული, კონკრეტული, თავისუფალი, მკაფიო, აქტიური ქმედებით გამოხატული თანხმობის საფუძველზე. „ზოგიერთი ორგანიზაცია კვლავ აქტიურად აგრძელებს მონაცემთა სუბიექტების სარგებლობაში არსებულ სატელეფონო ნომრებზე სარეკლამო შინაარსის მოკლე ტექსტური შეტყობინებების გაგზავნას. ამგვარი ქმედება კანონიერად მხოლოდ იმ შემთხვევაში მიიჩნევა, თუ იგი სატელეფონო ნომრით მოსარგებლე პირის მიერ გაცემული შესაბამისი თანხმობის საფუძველზე ხორციელდება“, - ვკითხულობთ განცხადებაში. კანონის თანახმად, თუკი სარეკლამო შეტყობინების გაგზავნის წესი დაირღვევა, პერსონალურ მონაცემთა დაცვის, სამსახური მიმართვის საფუძველზე, განიხილავს საჩივარს და დააკისრებს ჯარიმას, რომლის ოდენობაა:

- 500 ათას ლარამდე ბრუნვის მქონე კომპანიაზე ან მენარეზე - 2000 ლარი;
 - უფრო დიდი ბრუნვის მქონე კომპანიებისთვის - 3000 ლარი;
 - დამამძიმებელი გარემოების აღმოჩენის შემთხვევაში ჯარიმები იზრდება.
- მნიშვნელოვანი გარემოებები:
- ადამიანის ნებისმიერ დროს შეუძლია მოითხოვოს ინფორმაცია, რა წყაროებით იქნა მოპოვებული მისი საკონტაქტო მონაცემები;
 - თუ თქვენ უარს არ იტყვით სარეკლამო შეტყობინების მიღებაზე, ამას კომპანია თანხმობდა ვერ იტყვით.
- პერსონალური მონაცემთა დაცვის შესახებ ახალი კანონი 8 მთავარსინჯულს ითვალისწინებს:**

1. სარეკლამო შეტყობინებები წინასწარი თანხმობის გარეშე აღარ გამოიგზავნება.

ახალი კანონით, სარეკლამო შეტყობინებებისთვის პერსონალურ მონაცემთა დამუშავება და სარეკლამო შეტყობინებების გაგზავნა (პირდაპირი მარკეტინგის მიზნით მონაცემთა დამუშავება) დასაშვებია მხოლოდ იმ პირის თანხმობით, ვის მონაცემებსაც ამუშავებენ.

პირს, ვის მონაცემსაც ამუშავებენ, ნებისმიერ შემთხვევაში შეუძლია გამოიხმოს მიცემული თანხმობა. მოთხოვნის მიღებიდან 7 სამუშაო დღის განმავლობაში მონაცემთა დამუშავებელი ვალდებული იქნება შეწყვიტოს პირის მონაცემთა დამუშავება.

2. ნებისმიერი საჯარო დაწესებულება და ასევე კერძო კომპანია ნაწილი ვალდებული იქნება მკაფიოდ პერსონალურ მონაცემთა დაცვის ოფიცერი.

განისაზღვრა ის დაწესებულებები, რომლებშიც სავალდებულო იქნება პერსონალურ მონაცემთა დაცვის ოფიცრის (თანამშრომელი, რომელიც პასუხისმგებელი იქნება ორგანიზაციაში პერსონალური მონაცემების დამუშავებაზე) არსებობა. ესენია:

• საჯარო დაწესებულება (გარდა რელიგიური და პოლიტიკური ორგანიზაციებისა);

- სადაზღვევო ორგანიზაცია;
- კომერციული ბანკი;
- მიკროსაფინანსო ორგანიზაცია;
- საკრედიტო ბიურო;
- ელექტრონული კომუნიკაციის კომპანია;
- ავიაკომპანია;
- აეროპორტი;
- სამედიცინო დაწესება, რომელიც მომსახურებას უწევს წელიწადში არანაკლებ 10 000 მონაცემთა სუბიექტს;
- ორგანიზაცია, რომელიც ამუშავებს დიდი რაოდენობით მონაცემთა სუბიექტების მონაცემებს ან ახორციელებს მათი ქცევის სისტემატურ და მასშტაბურ მონიტორინგს.

პერსონალურ მონაცემთა დაცვის ოფიცრის უფლება აქვს, შეასრულოს სხვა ფუნქციაც, თუ ეს არ წარმოშობს ინტერესთა კონფლიქტს. პერსონალურ მონაცემთა დაცვის ოფიცრის ფუნქციების შესასრულებლად ორგანიზაციამ შეიძლება დადოს მომსახურების ხელშეკრულება (ცვლილება ამოქმედდება 2024 წლის 1 ივნისიდან).

3. განისაზღვრება საჯარო ან კერძო სივრცეში აუდიოჩანერის (აუდიომონიტორინგის) წესი და პირობები.

- მონაცემთა სუბიექტის თანხმობით;
- საოქმო ჩანანერის წარმოების მიზნით;
- დისტანციური კომუნიკაციისას;
- პირის უსაფრთხოებისა და საკუთრების დაცვის, ასევე საიდუმლო ინფორმაციის დაცვის მიზნებისათვის თუ ამ მიზნების სხვა საშუალებით მიღწევა შეუძლებელია;
- კანონმდებლობით პირდაპირ გათვალისწინებულ სხვა შემთხვევებში;
- მონაცემთა დამუშავებელი ვალდებულია წინასწარ ან აუდიომონიტორინგის დაწყებისთანავე გააფრთხილოს მონაცემთა სუბიექტი ამის შესახებ (ცვლილება ამოქმედდება 2024 წლის 1 მარტიდან).

4. ზუსტდება საჯარო ან კერძო სივრცეში განთავსებული ვიდეოკამერების საშუალებით ჩანანერის განხორციელების წესი (ვიდეომონიტორინგი).

- ვიდეომონიტორინგის განხორციელებისათვის მონაცემთა დამუშავებელი ვალდებულია ხდება წერილობით განსაზღვრის ვიდეოთვალთვალის მიზანი და მოცულობა, ვიდეოთვალთვალის ხანგრძლივობა და ჩანანერის შენახვის ვადა, ვიდეოჩანანერებზე წვდომის, მათი შენახვისა და განადგურების წესი და პირობები, მონაცემთა სუბიექტის უფლებების დაცვის მექანიზმები (გარდა იმ შემთხვევისა, როდესაც ფიზიკური პირი ვიდეომონიტორინგს ახორციელებს საცხოვრებელ შენობაში);
- სამუშაო ადგილის მიხედვით ყველა დასაქმებული პირი დამატებით უნდა იყოს ინფორმირებული ვიდეოთვალთვალის განხორციელების მიზნების შესახებ.
- მონაცემთა დამუშავებელი/უფლებამოსილი პირი ვალდებულია ვიდეოთვალთვალის მიმდინარეობის შესახებ, თვალსაჩინოდ განთავსებულ გამაფრთხილებელი ნიშანზე დაწეროს მონაცემთა დამუშავების ვინაობა და საკონტაქტო მონაცემები (ცვლილება ამოქმედდება 2024 წლის 1 მარტიდან).

5. განისაზღვრა არასრულწლოვანთა პერსონალური მონაცემების დაცვის საკანონმდებლო გარანტიები.

- არასრულწლოვანი პირის მონაცემთა დამუშავება მისი თანხმობის საფუძველზე დასაშვებია თუ მან მიაღწია 16 წლის ასაკს, ხოლო 16 წლამდე ასაკის არასრულწლოვანი პირის - მისი მშობლის ან სხვა კანონიერი წარმომადგენლის თანხმობის საფუძველზე;
- არასრულწლოვანი პირის მონაცემთა დამუშავებისას სავალდებულოა არასრულწლოვანის საუკეთესო ინტერესების გათვალისწინება და დაცვა. არასრულწლოვანის, მისი მშობლის ან სხვა კანონიერი წარმომადგენლის მიერ გაცემული თანხმობა მონაცემთა დამუშავებაზე არ ჩაითვლება ნამდვილად, თუ

მონაცემთა დამუშავება საფრთხეს უქმნის ან ზიანს აყენებს არასრულწლოვანის საუკეთესო ინტერესებს (ცვლილება ამოქმედდება 2024 წლის 1 მარტიდან).

6. დადგინდა მონაცემების უსაფრთხოების დარღვევისას ინსპექტორისათვის შეტყობინების ვალდებულება.

ნებისმიერი ორგანიზაცია ან ფიზიკური პირი, რომელიც პერსონალურ მონაცემებს ამუშავებს ვალდებულია აღრიცხოს მონაცემთა უსაფრთხოების დარღვევის ყველა ინციდენტი, დამდგარი შედეგი, მიღებული ზომები და ინციდენტის აღმოჩენიდან არაუგვიანეს 72 საათისა მის შესახებ შეატყობინოს პერსონალურ მონაცემთა დაცვის სამსახურს (ცვლილება ამოქმედდება 2024 წლის 1 მარტიდან).

7. იზრდება მონაცემთა დამუშავების საფუძველები.

მონაცემთა დამუშავების (პერსონალურ მონაცემთა მიმართ შესრულებული ნებისმიერი მოქმედება, მათ შორის, მათი შეგროვება, მოპოვება, შენახვა გამოყენება, დაბლოკვა, წაშლა ან განადგურება, მონაცემთა გამჟღავნება და აშ) არსებულ საფუძველებს ემატება:

- როდესაც მონაცემთა დამუშავება აუცილებელია ხელშეკრულების (ან სხვა გარიგების) დასადავად ან ხელშეკრულების მხარეთა ვალდებულებების შესასრულებლად;
- მონაცემთა დამუშავება აუცილებელია კანონმდებლობით განსაზღვრული საჯარო ინტერესის სფეროში შემავალი ამოცანების შესასრულებლად, მათ შორის, დანაშაულის თავიდან აცილების, დანაშაულის გამოძიების, სისხლის-სამართლებრივი დევნის, მართლმსაჯულების განხორციელების, პატიმრობისა და თავისუფლების აღკვეთის აღსრულების, ოპერატიულ-სამედიცინო საქმიანობის, საზოგადოებრივი უსაფრთხოებისა და მართლმსაჯულების დაცვის მიზნებისათვის;
- როდესაც განსაკუთრებული კატეგორიის მონაცემების (მაგ. ჯანმრთელობის მდგომარეობა, ბრალდებულის, მსჯავრდებულის, გამართლებულის ან დაზარალებულის სტატუსი სისხლის სამართლის პროცესში და აშ) დამუშავება აუცილებელია მნიშვნელოვანი საჯარო ინტერესის დასაცავად; სოციალური უზრუნველყოფისა და სოციალური დაცვის სფეროში კანონმდებლობით დაკისრებული მოვალეობის შესასრულებლად (ცვლილება ამოქმედდება 2024 წლის 1 მარტიდან).

8. იზრდება იმ პირის უფლებები, ვისი მონაცემებიც მუშავდება.

მონაცემთა სუბიექტს (იმ პირს ვისი მონაცემებიც მუშავდება) უფლება აქვს, მოითხოვოს მის შესახებ მონაცემთა დამუშავების შეწყვეტა, წაშლა ან განადგურება არა მხოლოდ იმ შემთხვევაში, როდესაც მონაცემები უკანონოდ მუშავდება, არამედ მაშინაც:

- თუ მონაცემების დამუშავება აღარ არის საჭირო იმ მიზნისთვის, რომლისთვისაც მოხდა მათი დამუშავება;
- მონაცემთა სუბიექტი გაითხოვს თანხმობას, რომელიც წარმოადგენს მონაცემთა დამუშავების ერთადერთ საფუძველს.

მონაცემთა სუბიექტს ასევე აქვს უფლება ნებისმიერ მონაცემთა დამუშავებელს მოთხოვოს მის მონაცემებთან დამაკავშირებელი ყველა ინტერნეტ-მულის წაშლა (ცვლილება ამოქმედდება 2024 წლის 1 მარტიდან).

კანონით განსაზღვრულია, რომ მონაცემთა დამუშავებისთვის პასუხისმგებელმა პირმა უნდა უზრუნველყოს თანხმობის გამოხმობის უსასყიდლო, მარტივი და ხელმისაწვდომი მექანიზმის შემუშავება. **ნიკოლოზ პოპიაშვილის, პერსონალური მონაცემთა დაცვის სამსახურის უფროსის აპარატის ხელმძღვანელის და სამსახურის წარმომადგენლის ევროპის მონაცემთა დაცვის ინსტიტუტის (EDPS) განცხადებით**, ახალი კანონის თანახმად, თუ მომხმარებელი თავად გამოხატავს სურვილს, მიიღოს სარეკლამო შეტყობინებები, თავდაპირველად დაფიქსირებული უარი არ ზღუდავს. რაც შეეხება იმას, თუ როგორ და სად უნდა დავაფიქსიროთ გადაწყვეტილების ცვლილებაზე, პოპიაშვილი განგვიმარტავს,

რომ ეს მობილურ ოპერატორებზე დამოკიდებული და მსგავსი მექანიზმი თავად უნდა შეიმუშაოს.

კანონი მკაცრად განსაზღვრავს, რომ სარეკლამო შეთავაზებების გაგზავნის ერთადერთი ლეგიტიმური შესაძლებლობა მომხმარებლის თანხმობას უკავშირდება: „მიუხედავად მონაცემთა შეგროვების/მოპოვების საფუძვლისა და მათი ხელმისაწვდომობისა, პირდაპირი მარკეტინგის მიზნით მონაცემთა დამუშავება შეიძლება მხოლოდ მონაცემთა სუბიექტის თანხმობით“, - განმარტავს ნიკოლოზ პოპიაშვილი.

რა ხდება იმ შემთხვევაში, თუ წაგვშალა მობილური ოპერატორის შეტყობინება, სადაც პოზიცია უნდა დაგეფიქსირებინათ?

ეს საკითხი მობილურ ოპერატორზე დამოკიდებული და მან უნდა განსაზღვროს, ვინაიდან საკითხი სცილდება მონაცემთა დამუშავებისთვის პასუხისმგებელ პირსა და მონაცემთა სუბიექტს შორის არსებულ სამართლებრივი ურთიერთობის ფარგლებს. თუ მომხმარებელს მობილური ოპერატორის შეტყობინება წაეშალა, მას აქვს უფლება რომ შეტყობინების ხელახალი გამოგზავნის თხოვნით მიმართოს ოპერატორს, თუმცა, მობილური ოპერატორს არ გააჩნია ვალდებულება ხელმეორედ გამოგზავნოს შეტყობინება. **„იმ შემთხვევაში თუ მონაცემთა დამუშავებაზე პასუხისმგებელი პირი არ ახორციელებს პირდაპირი მარკეტინგის გზით მონაცემთა დამუშავებას, ამის მავალდებულებელ წინაპირობას არ წარმოადგენს მონაცემთა სუბიექტის მოთხოვნა. მომხმარებელს შეუძლია მიმართოს ამ თხოვნით მობილურ ოპერატორს და შემდეგ გაგზავნის თუ არა მისი გადასწყვეტა“**, - განმარტავს ნიკოლოზ პოპიაშვილი.

სარეკლამო შეთავაზებების მიღებაზე დაფიქსირებულ უარს მოქმედების ვადა არ აქვს. გარდა ამისა, ნიკოლოზ პოპიაშვილი განმარტავს, რომ მომხმარებლის პირადი მონაცემების დამუშავებაზე პასუხისმგებელმა პირმა, მის შესახებ მონაცემთა დამუშავებაზე თანხმობის მიცემისა და თანხმობის გამოხმობის დრო და ფაქტი უნდა აღრიცხოს პირდაპირი მარკეტინგის განხორციელების ვადით და პირდაპირი მარკეტინგის განხორციელების შეწყვეტიდან 1 წლის განმავლობაში. აღსანიშნავია, რომ კანონი არ აკონკრეტებს, რა სიხშირით შეუძლია მობილურ ოპერატორებს და SMS-კონტრაქტორ კომპანიებს სარეკლამო შეთავაზებების მომხმარებლისთვის გაგზავნა. პოპიაშვილი ამბობს, რომ ახალი კანონი იზიარებს ევროკავშირის პერსონალურ მონაცემთა დაცვის სამართლის ძირითად პრინციპებს და სტანდარტებს, და ამ შემთხვევაში, მობილურ ოპერატორებს შეუძლიათ, მომხმარებლებს არჩევანის შესაძლებლობა მისცენ.

„პირველ რიგში, მომხმარებელი სარგებლობს უფლებით, მოითხოვოს და მიიღოს ინფორმაცია მობილური ოპერატორისგან იმის თაობაზე, თუ ვინ წარმოადგენს მომხმარებლის მონაცემთა მიმღებს“, - განგვიმარტავს ნიკოლოზ პოპიაშვილი.

მისივე თქმით, ვიდრე მომხმარებელი თავის პოზიციას დააფიქსირებს სარეკლამო შეტყობინებების მიღების შესახებ, მას კონტრაქტორების შესახებ ამომწურავი და სრულყოფილი ინფორმაცია უნდა ჰქონდეს. „ასევე, კანონი მომხმარებლებს შესაძლებლობას აძლევს, სარეკლამო შეტყობინებების მიღებაზე პოზიციის დაფიქსირების შემდეგაც, გამოიხმოს ინფორმაცია SMS კონტრაქტორ კომპანიაზე“ - ამბობს პერსონალური მონაცემთა დაცვის სამსახურის უფროსის აპარატის ხელმძღვანელი.

შეგახსენებთ, რომ საქართველოს პარლამენტმა სამი მოსმენით მხარი დაუჭირა „პერსონალური მონაცემთა დაცვის შესახებ“ ახალ კანონპროექტს, რომელიც ჯერ კიდევ 2019 წელს იყო ინიცირებული. კანონპროექტის ხელახალი განხილვა 2022 წლის დეკემბერში განახლდა, 2024 წლის 2 თებერვალს კი მიღებულ ცვლილებებთან დაკავშირებით, ინფორმაცია გავრცელდა.

მომზადდა
შუშუნა ყანაგვილია

უსაფლავო გვირის ნიჭი 32 წლის უმცროსი იპოვნის

სოფელ ზემო მაჩხაიდან 24 წლის გოგონა პაპაჩაშვილი 1992 წლის ოქტომბერში გაგრაში დაეცა, მისი ცხედარი ამ დრომდე ნაპოვნი არ იყო. ობლად გაზრდილი ბიჭი ომში საბრძოლველად მოხალისედ წავიდა და უკვალოდ გაქრა.



ავსტრიაში, ინსბრუკის სამედიცინო უნივერსიტეტის სასამართლო მედიცინის ინსტიტუტში ჩატარდა.

გაზეთ „შირაქის“ ექსკლუზიური ინფორმაციით, ამჟამად 11 გვირის ცხედა-

რი თბილისში, სამხარაულის ექსპერტიზის ბიუროშია, მათ 27 მარტს სამების საკათედრო ტაძარში გადასვენებენ, სადაც 17-დან 19 საათამდე სამოქალაქო პანაშვიდი გაიმართება, ხოლო 28 მარტს ომში დაღუპულ გვირებს დილომში, ძმათა სასაფლაოზე სამხედრო პატივით დაკრძალავენ.

ანა პაპაჩაშვილი (გოგონა და): „19 მარტს მაცნობეს სამინისტროს აპარატიდან, რომ მოსულია საბოლოო პასუხები, სადაც დადასტურდა, რომ ახლახან აღმოჩენილ ცხედრებს შორის ერთი გოგონა პაპაჩაშვილს ეკუთვნის. მეორე დღეს წითელი ჯვრის ოფისშიც მიმინვიეს, სპეციალისტებს გავესაუბრე, გადმომცეს დოკუმენტაცია, სადაც ექსპერტიზის მონაცემებია. სწორედ აქაა აღნიშნული, რომ თითქმის ასპროცენტული დამთხვევაა

ჩვენს დენემთან. გენეტიკური ანალიზი მე, დედაჩემმა და ბიძაშვილმა ჩავაბარეთ რამდენიმე წლის წინ და საზგასმით წერია, რომ 99,96%-იანი დამთხვევაა. ამიტომ ჩვენთვის ეს ცნობა ეჭვგარეშეა. როგორც მაცნობეს, ახლახან გაგრის ერთ-ერთ სოფელში განხორციელდა გათხრა, სადაც 6 ცხედარი აღმოჩნდა, იქ იყო გოგონა დაკრძალული. მეორე დღესვე ზემო მაჩხაიში ჩამოვედი, არ მინდოდა დედისთვის ეს ინფორმაცია ტელეფონით მეთქვა. დედაჩემი გოგონა ამ დრომდე ცოცხლად ელოდებოდა, ამიტომ მძიმე იყო ეს ამბავი. რა თქმა უნდა, სასიამოვნოა, რომ ცხედარი ვიპოვეთ, მაგრამ ეს ამბავი ერთდროულად სასიამოვნოცაა და მტკივნეულიც“.

ილია მარტყოფლიანი

უშუ-სანდა გუნდური თასი კვლავ ჩვენია!

15-17 მარტს საქართველოს კულტურისა და სპორტის სამინისტროს მხარდაჭერით ქ.თბილისში გაიმართა საქართველოს თასის ჩემპიონატი უშუ-ში. ტურნირის გამარჯვებული და გუნდური თასის მფლობელი დედოფლისწყაროს უშუს გუნდი გახდა (მწვრთნელი გიორგი ცისკარაული და ლუკა პოპიაშვილი, გუნდის მსაჯი ილია დაიაური). ინდივიდუალურ ორთაბრძოლებში დედოფლისწყაროელმა სპორტსმენებმა 8 პირველი, 7 მეორე და 4 მესამე ადგილი დაიკავეს.

ჩემპიონები გახდნენ: ბასო გლახოვილი, გიგა პოპიაშვილი, ირაკლი ყონიაშვილი, გიორგი ქარაილაშვილი, ნუგზარ ჭრელაშვილი, დავით ბუაჩი, ნიკოლოზ ხარაზიშვილი და მსოფლიო ჩემპიონი საბა გუთხაია.

მეორე ადგილი: ლუკა ლიქოკელი, ლუკა კვანჭილაშვილი, დავით ქადაგიძე, ლუკა ტუხაშვილი, ზურაბი მუსელიანი, ერეკლე ქორეაშვილი, გივი გონიჭაშვილი.

მესამე ადგილი: გიორგი დინგაშვილი, ნიკა ლარიაშვილი, გიორგი ჭუჭულაშვილი, გიორგი ნაროზაული.

გიორგი ცისკარაული (მწვრთნელი): „გუნდური პირველი ადგილი ჩემთვის როგორც მწვრთნელისთვის საუკეთესო შედეგია, წელიწადში ერთხელ იმართება ეს ტურნირი და საუკეთესო

გუნდი ვლინდება საქართველოს მამულებით, ვისაც ყველაზე მეტი ოქროს და სხვადასხვა სინჯის მედალი აქვს ის გუნდი ხდება გამარჯვებული, ასე რომ საუკეთესო გუნდის ყოლა მწვრთნელისთვის ძალიან საამაყოა. ასევე არ შეიძლება არ აღინიშნოს მეორე მწვრთნელის ლუკა პოპიაშვილის და გუნდის მსაჯის ილია დაიაურის როლი ამ დიდ წარმატებაში, ისინიც სულს და გულს დებენ და ყველაფერს აკეთებენ ბავშვებისთვის რაც შეუძლიათ.

არ შეიძლება არ აღინიშნოს მსოფლიო ჩემპიონი საბა გუთხაიას ბრძოლები მან 2 დღეში 4 ბროლი ჩაატარა და ოთხივეში უფლის მადლით დამაჯერებლად იმარჯვა, ასევე ძალიან მოტივირებული და საინტერესო იყო გიორგი ქარაილაშვილი რომელს „ამდერდოგად“ ითვლებოდა მაგრამ 3 ბროლი მოიგო და ლორსეული ჩემპიონობა იზეიმა, პირველად გახდა ჩემპიონი გიგა პოპიაშვილიც რომელმაც თავი არ დაზოგა და ბოლდერ იბრძოლა, დავით ბუაჩი და ნიკოლოზ ხარაზიშვილი კი უკვე თითქმის პროფესიონალურ დონეზე არიან და მათი გამარჯვება არც გასაკვირი იყო და არც მოულოდნელი, ნუგზარ ჭრელაშვილი და ირაკლი ყონიაშვილმაც არ დაზოგეს თავები და სრული მემართებით იბრძოლეს და შედეგიც სახეზეა“.



ტრაგედიას პედაგოგი ემსხვერპლა

18 მარტს ავტოსაგზაო შემთხვევას სოფელ სამთაწყაროს სკოლის პედაგოგის 43 წლის მაია საკანელაშვილის სიცოცხლე ემსხვერპლა. ის ავტომანქანას თავად მართავდა, რა დროსაც დედოფლისწყაროდან სამთაწყაროში მიმავალი მოცურდა და ხეს შეეჯახა.

თვითმხილველების განმარტებით, იმ დღეს წვიმა და ნისლიანი ამინდი იყო, ავტოავარია კი სოფელ სამრეკლოს მიმდებარედ, ცენტრალურ მაგისტრალზე მოხდა. მძღოლი ადგილზე გარდაიცვალა, უბედური შემთხვევის შედეგად დაშავდა 7 წლის




გოგონა, რომელიც პედაგოგს მინდობით აღზრდის პროგრამით ჰყავდა აყვანილი და იმ დღეს თან ახლდა.

როგორც „შირაქს“ უყვებიან, ავტოავარიამდე რამდენიმე წუთით ადრე ის სურსათის მაღაზიებში ნახეს, სადაც პროდუქტს იმარაგებდა. ავტოსაგზაო შემთხვევის შედეგად დაშავებული გოგონა ჯერ დედოფლისწყაროს საავადმყოფოში მოათავსეს, საიდანაც ქალა-ტყინის ტრავმატიკული ცენტრის ეკიპაჟმა ის თბილისში, ინგოროყვას კლინიკაში გადაიყვანა. ამჟამად პაციენტის მდგომარეობა სტაბილურია და მის სიცოცხლეს საფრთხე არ ემუქრება. სოციალური მომსახურების სააგენტოს თანამშრომლებმა ამ ოჯახში მინდობით აღზრდით მყოფი კიდევ ორი არასრულწლოვანი წამოიყვანა.

როგორც „შირაქს“ შსს-ს პრესსამსახურში განუცხადეს, მომხდარ ფაქტზე გამოძიება სისხლის სამართლის კოდექსის 276-ე მუხლის 6-ე ნაწილით მიმდინარეობს.

მონატრება ავტო ავტორი

ჩვენო მოუშუშებელი ტკივილი, ჩენო მზრუნველი, ერთადერთი საფიცარო ძმაო, ავტო!



გაილია ორმოცი უფერული, გაუსაძლიესი, ცრემლებითა და მონატრებით სავსე დღე-ღამეები მოვიდა გაზაფხული, ფერადი ყვავილებითა და ჩიტების ჭიკჭიკით. პირველი გაზაფხული, შენი უბედური დეი უშენოდ რომ შეიკრიბნენ შენს სახლში, 8 მარტს, დედას გარდაცვალებიდან ოთხი წლისთავის აღსანიშნავად. დაგვტოვე მოულოდნელად, ჩემად, არაფერი არ გვითხარი, რატომ? იქნებ შენი სიკეთით სავსე გული რაიმეს გვიმალავდა, იქნებ, გიჭირდა რამე და არ გვიმხელდი, რომ არ გვენერვიულა, სულ გვაფრთხილებდი, არაფერზე იდარდოთ, რადგან მე, თქვენი ძამიკო, ყოველთვის თქვენს გვერდით ვიქნები, რატომ მოგვატყუე?

ამის შემდეგ ვის შევჩვიოთ ჩვენი დარი და ნუხილი? შენ იყავი ჩვენი იმედი და სხნა. აი, ასე თავზარდაცემულები დაგვტოვე შენი დებიც და ყველა ახლობელიც. თურმე უფალსაც შენაირი კეთილი, უბოროტო, ხალისიანი ადამიანები მიჰყავს იქ, ცაათა სასუფეველში, სადაც მხოლოდ მართალნი განისვენებენ.

ძიენ მშვიდად, ბუმბულივით მსუბუქი ყოფილიყოს შენს გულზე დაყრილი მშობლიური მიწა. ჩვენ ყველა მოვალთ შენს საფლავზე, მოგიტანთ ლამაზ ყვავილებს, დაგინთებთ სანთლებს, რომ გაგინათონ უფლისკენ სავალი გზა, უფალს შევავედებთ შენს სპეტაკ სულს. სულეთიდან ილოცე ჩვენი შვილებისა და შვილიშვილებისათვის.

შენი გულმკვდარი, თვალცრემლიანი დები: იზა, ნათელა და ნანა ავტორები.

დედოფლისწყაროს მუნიციპალიტეტის მერი ნიკოლოზ ჯანიაშვილი და მერია, მწუხარებას გამოთქვამენ სოფელ სამთაწყაროს საჯარო სკოლის პედაგოგის,

მაია საკანელაშვილის

ტრაგიკულად გარდაცვალების გამო და სამძიმარს უცხადებენ მის ოჯახს, ნათესავებს, თანამშრომლებს და მეგობრებს. მაია საკანელაშვილი იყო ღირსეული მოქალაქე, პედაგოგი და ყველასთვის საყვარელი პიროვნება. მისი გარდაცვალება უდაოდ დიდი დანაკლისია არა მხოლოდ სამთაწყაროს საჯარო სკოლის პედაგოგიური კოლექტივისთვის და ახლობლებისთვის, არამედ მთელი მუნიციპალიტეტისთვის.

გაზეთ „შირაქის“ რედაქციის თანამშრომლები თანაგრძობას უცხადებენ ვანო პავლიაშვილს ძმის, მანანა ლამაზოშვილს, მეუღლის

ზურაბ პავლიაშვილის გარდაცვალების გამო.

მეზობლები: მაია ბაიდოშვილი, გულიკო და სოსო გონაშვილები, დავით გოგილაშვილი ღრმა მწუხარებით იუნწყებიან **ზურა როზიშონის ქა პავლიაშვილის** გარდაცვალებას. გამძლეობას უსურვებენ დედას, მეუღლეს და შვილს.

მარინე და გურამი მოლაშვილები, ცისია პაპუაშვილი ოჯახებით თანაგრძობას უცხადებენ უახლოეს მეგობარს, მეუღლეს მარიკა გონაშვილს (ჯინაშვილისა), შვილებს ნინოს და ლალის, შვილიშვილებს, შვილთაშვილებს, სანათესაოს, სამეგობროს, სამეზობლოს **პარლამი ჯინაშვილის** გარდაცვალების გამო.

დედოფლისწყაროს საკათედრო ტაძრის წინამძღვარი – დეკანოზი ნიკოლოზი და მღვდელი გიორგი ოჯახებით, მრევლი უსამძიმრებს დეკანოზ პეტრეს და მის ოჯახს დის **მაია ხუშარაშვილის** გარდაცვალებას.

გაზეთ „შირაქის“ თანამშრომლები სამძიმარს უცხადებენ დეკანოზ პეტრე ხუშარაშვილს და მის ოჯახს დის **მაია ხუშარაშვილის** გარდაცვალების გამო.

ფატი და ლუიზა ზურაშვილები ღრმა მწუხარებით იუნწყებიან მეზობლის **მაია პავლიაშვილი-ხუშარაშვილის** გარდაცვალებას და სამძიმარს უცხადებენ ძმას – პაატა ხუშარაშვილს, რძალს – მაია ყონიაშვილს, ძმისშვილს – ანას, მეუღლეს – გელა ზეგაშვილს, ოჯახსა და ახლობლებს. დააკრძალა ქ. თბილისში, 23 მარტს.



„ქორების ტბის“ ხელოვნურად შევსება დაიწყო



ფლისწყაროში ამოწმებული ქარბი წყლის მარაგი უმისამართოდ აღარ დაიღვრება და მისი ტბის მიმართულებით გადაქაჩვა მოხდება. ამისათვის ახალი ქსელის აშენება იყო საჭირო.

„ე. ნ. „ქორების ტბა“ ახალ სივრცულს იძენს, რაც თითოეული ჩვენგანისთვის ძალიან სასიხარულო ფაქტია. აღნიშნული პროექტის დასრულების შემდეგ დედოფლისწყაროში კიდევ ერთი ტურისტული მიზიდულობის ცენტრი გაჩნდება. მაგალითად ყველას,



„ქორების ტბის“ ივრიდან ამოწმებული ქარბი წყლით შევსების სამუშაოები აქტიურ რეჟიმში მიმდინარეობს. პროექტი დედოფლისწყაროს მუნიციპალიტეტის მერმა ნიკოლოზ ჯანიაშვილმა მოინახულა.

ქსელის გაყვანის სამუშაოებს საქართველოს გაერთიანებული წყალმომარაგების კომპანია ახორციელებს. დაპირების თანახმად, ქალაქ დედო-

ვისი მხარდაჭერითაც ეს სამუშაოები ხორციელდება“ – აღნიშნა ნიკოლოზ ჯანიაშვილმა.

დალის წყალსაცავთან ახალი ჭაბურღილების მოწყობისა და წყლის რესურსის დედოფლისწყაროს ცენტრალურ რეზერვუარში ამოყვანის შემდეგ დედოფლისწყაროში წლების განმავლობაში არსებული წყლის დეფიციტი წარსულს ჩაბარდა. ქარბი მარა-

გის ათვისებას მუნიციპალიტეტი ამ დრომდე ვერ ახდენს, ამდენად ზედმეტი წყალი იღვრებოდა, რის შემდეგაც რესურსით ტბის შევსების იდეა გაჩნდა.

„ქორების ტბა“ დაშრობას 2015 წლიდან განაგრძობდა, ის ბუნებრივ მატებას ამ დრომდე ვერ ახერხებს, რის გამოც პრობლემის გადაჭრა ხელოვნური კვების დახმარებით გადაწყდა.

21 მარტი ქართული ჟურნალისტიკის დღეა!

გთავაზობთ რაიონული გაზეთების ჩამონათვალს, რომელშიც ისევ გამოიცემა.

1921 წლიდან გამოდის გაზეთი „აჭარა“ — ამჟამად 10 გვერდიანი და ფერადი, ყოველკვირეული გამოცემა. საცალო ღირებულება 50 თეთრი. გასულ წელს კვირაში ორჯერ, ან სამჯერ გამოდიოდა. მთავარი რედაქტორია მარინა მითაიშვილი. ამ ხნის მანძილზე გამოცემულია 25 130-ზე მეტი ნომერი. პარალელურად გამოიცემა რუსულენოვანი გაზეთი „ადჟარა“. ოთხგვერდიანი შავთეთრი დამატებაც 1921 წლიდან გამოდის და ხშირად მას ჩანართის ხასიათი აქვს. რუსული ვერსიის 19 700-ზე მეტი ნომერია გამოსული, რომლის რედაქტორია ლოლა ტუმასიანი.

1923 წლიდან გამოდის სენაკის გაზეთი „კოლხათი“ — ამჟამად თვეში ერთხელ გამოიცემა. რედაქტორია მედეა ბალაშვილი. ამ დრომდე გამოიცა 9566 ნომერი. საცალო ფასია 1,40 ლარი.

1930 წლიდან გამოდის გაზეთი „სამტრედიის მაცნე“ — ამჟამად 12 გვერდიანი, ფერადი გამოცემა, თვეში ორჯერ გამოდის. მისი მთავარი რედაქტორია ქეთევან ჭელიძე. საცალო ფასი 75 თეთრი. სულ გამოსულია 9 400-მდე ნომერი.

1931 წლიდან გამოდის ოჯახურ-საზოგადოებრივი გაზეთი „ალიონი“ — ამჟამად „ალიონი“ ყოველკვირეული, რვაგვერდიანი და ფერადი გაზეთია. მასზე წლიური ხელმოწერა 32 ლარია, საცალო ღირებულება კი 80 თეთრი. ამ დრომდე გამოსულია 10 470 ნომერი. 1962-65 წლებში იყო გურიის სარაიონთაშორისო გაზეთი. 1990 წლამდე გამოდიოდა „ლენინის დროშა“-ს სახელწოდებით. 1990 წლიდან გაზეთი

დამოუკიდებელ საზოგადოებრივ-პოლიტიკურ გამოცემად ჩამოყალიბდა და „ალიონის“ სახელწოდებით გამოდის. შპს გაზეთ „ალიონის“ მფლობელია რედაქციის კოლექტივი. გაზეთის მთავარი რედაქტორია ნუგზარ ასათიანი.

1931 წლიდან გამოდის პასუხის გაზეთი „განთიადი“ — რვაგვერდიანი და ფერადი, გამოდის თვეში ერთხელ. რედაქტორია ნანა მერებაშვილი. ამ დრომდე გამოსულია 8 200-ზე მეტი ნომერი.

1931 წლიდან გამოდის გაზეთი „პროჟოში“ — ყოველკვირეული, ოთხგვერდიანი ფერადი. რედაქტორია ვალერიან ლომიძე. საცალო ფასი 40 თეთრი, წლიური ხელმოწერა კი 20 ლარი. სულ გამოვიდა 9 326 ნომერი.

1933 წლიდან გამოდის „ამბროლაურის მოაზრება“ — ამჟამად თვეში ერთხელ, 4 გვერდიანი ფერადი გაზეთი იბეჭდება. რედაქტორია დალი დარაბეგვილი. საცალო ღირებულებაა 50 თეთრი. აქამდე გამოსულია 9900-ზე მეტი ნომერი.

1933 წლიდან გამოიცემა გაზეთი „თიარჯოლა“ — მთავარი რედაქტორია დავით კლიაშვილი. ამჟამად გამოიცემა თვეში ორჯერ, რვაგვერდიანი, შავთეთრი. 8000-მდე ნომერია გამოსული.

1935 წლიდან გამოიცემა გაზეთი „ბოლნისი“ — გამოდის თვეში ერთხელ, 8 გვერდიანი და ფერადი, საცალო ფასი 1 ლარი. რედაქტორია მაგდა დევნოზაშვილი. აქვს აზერბაიჯანულენოვანი გვერდებიც.

1937 წლიდან გამოდის ნითელწყაროს გაზეთი „ახალი შირაქი“, რომელმაც რამდენჯერმე შეიცვალა სახელწოდება.

„ახალი ცხოვრებისკენ“ (1938—

1940); „ახალი შირაქი“ (1940—1962); 1962 წლიდან სიღნაღი და ნითელწყაროს რაიონები შეერთდა, ამდენად გაზეთებიც გაერთიანდა, ხოლო 1965 წლიდან კვლავ გამოეყო და „შირაქი“ ინტენსიურ რეჟიმში უწყვეტად გამოდის. 1990 წლიდან ნუმერაციას აგრძელებს გაზეთი სახელწოდებით „შირაქი“.

„ახალი ცხოვრებისკენ“ საქ. კ.პ.(ბ) ნითელწყაროს რაიონის და რაიონისკომის ექვსდღიური გაზეთია. პასუხისმგებელი რედაქტორი: ი. ახობაძე. იბეჭდება საქნავთის სტამბაში. **„ახალი შირაქი“** ეწოდა 1940 წლიდან. 1940-1949 წლებში ნითელწყაროს რაიონის და მშრომელთა დეპუტატების რაიონულ საბჭოს ორგანოა. პასუხისმგებელი რედაქტორი: ირაკლი მოლოდინი. კვლავ საქნავთის სტამბაში იბეჭდებოდა. 1965-დან 1990 წლამდე გაზეთის რედაქტორია გოდერძი ტოკუიშვილი. არქივი დაცულია პარლამენტის ეროვნულ ბიბლიოთეკაში. 1942 წლიდან სრული არქივი შენახულია ასევე რედაქციაში.

ზემო მანჯანავი 1957-დან 1990 წლამდე უწყვეტად გამოდიოდა გაზეთი „კომუნისკენ“ — სასოფლო გაზეთს გამოსცემდა ნითელწყაროს რაიონის სოფელ ზემო მანჯანავის ლენინის ორდენისანი კოლმეურნეობა. საზოგადოებრივ-პოლიტიკური გაზეთი გამგებობისა და პარტიული კომიტეტის ათდღიური ორგანო იყო. იბეჭდებოდა საქართველოს სსრ მინისტრთა საბჭოს გამომცემლობის, პოლიგრაფიის მთავარპოლიგრაფმრეწველობის სტამბაში. არქივი დაცულია პარლამენტის ეროვნულ ბიბლიოთეკაში.

არბოშიკში 1957—1990 წლამდე გამოდიოდა „ნითელი არბოშიკი“,

საზოგადოებრივ პოლიტიკური გაზეთი, რომელიც 1990-91 წლებში გამოდიოდა სახელწოდებით არბოშიკი. ნითელწყაროს რაიონის სოფელ არბოშიკის კალინინის სახელობის კოლმეურნეობის პარტიული კომიტეტისა და გამგებობის ათდღიური ორგანო. საზოგადოებრივ-პოლიტიკური გაზეთის რედაქტორი: გ. კაკალაშვილი. იბეჭდებოდა ადგილზე, საქართველოს სსრ მინისტრთა საბჭოს გამომცემლობის პოლიგრაფიასა და ნიგნის ვაჭრობის სახელმწიფო კომიტეტის პოლიგრაფმრეწველობის სამმართველოს ნითელწყაროს სტამბაში. არქივი დაცულია პარლამენტის ეროვნულ ბიბლიოთეკაში.

ახლადდაარსებული გაზეთები გამოდის 2007 წლიდან „ლუშაშის მაცნე“, რვაგვერდიანი და ფერადი, რედაქტორი მიხეილ ჭოქიაძე, არარეგულარული პერიოდულობით გამოდის და ვრცელდება უფასოდ. „ახალი შირაქი“, 4 გვერდიანი შავთეთრია. თვეში ერთხელ გამოიცემა და მერიის ადმინისტრაციული სამსახური გამოსცემს. ვრცელდება უფასოდ. ყოველკვირეულად გამოდის საგარეუკანო „ბარაჯის მაცნე“ თვეში ორჯერ გამოდის, რვაგვერდიანი და ფერადი, ღირებულება 1 ლარი. რედაქტორია თინათინ ილაური. „ახალმორი“ თვეში ერთხელ გამოიცემა, 12 გვერდიანი, ფერადი გარეკანით. ვინაიდან 2008 წლის რუსეთ-საქართველოს ომის გამო მუნიციპალიტეტი ოკუპირებულია, გაზეთი ნეროვანის დევნილთა დასახლებაში მოქმედებს. რედაქტორია ანა ყურშიაშვილი. **„საშურის მოაზრება“** 6 გვერდიანი ყოველკვირეული გაზეთია, რომელსაც საშურის მუნიციპალიტეტის აიპი გამოსცემს. მთავარი რედაქტორია გიორგი გოგალაძე.



სასიხარულო ინფორმაცია: საქართველოს კულტურის, სპორტისა და ახალგაზრდობის სამინისტროს მიერ გამოცხადებულ კონკურსში „სამუსიკო სასწავლებლებში ინსტრუმენტების განახლება“ ერთ-ერთი გამარჯვებული ჩვენი სკოლაცაა, რის შედეგად ხელოვნების სკოლას საჩუქრად გადმოეცა ახალი აკუსტიკური პიანინო. დიდი მადლობა სამინისტროს და პირადად მინისტრს, ქალბატონ თეა ნულუკიანს ამ დიდებული საჩუქრისათვის. **პატივისცემით, დედოფლისწყაროს ხელოვნების სკოლა**

პრესის დღე გიგლიოთეკაში

21 მარტს ქართული ჟურნალისტიკის დღე აღინიშნა დედოფლისწყაროს მუნიციპალურ ბიბლიოთეკასა და სოფლების - მირზანის, არბოშიკის, ოზანის, სამრეკლოს, ზემო ქედის ბიბლიოთეკებში. მოზარდებმა დედოფლისწყაროში მოქმედი გაზეთი „შირაქი“ ნაიკითხეს და კიდევ ერთხელ აღნიშნეს, რომ დედოფლისწყაროში გაზეთი 87-ე წელია უწყვეტად გამოდის და რაიონის ისტორიას ქმნის.



ამინდი		დედოფლისწყარო	
ორშაბათი 25.03	სამშაბათი 26.03	ოთხშაბათი 27.03	ხუთშაბათი 28.03
დღე	ღამე	დღე	ღამე
9°	-3°	14°	2°
		11°	2°
		13°	2°
		13°	5°
		14°	5°
		14°	5°
		14°	5°

გამომცემელი შპს „შირაქი“
 დირექტორი **ინგა შიოლაშვილი**
 რედაქტორი **ილია მარჯყოფილი**

სარედაქციო კოლეგია: ჭაბუხა ჭანაშვილი, ელზა ხარაშვილი (ჟურნალისტიკა); ხათუნა ბენაშვილი (კორექტორი); ნათელა ბოსტაშვილი (ბუღალტერი); ნინო ჯანაშვილი (ოფის-მენეჯერი); მზია ქანაშვილი (საქმის მწარმოებელი).

გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შპს „გამომცემლობა სამშობლოს“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ☎ 0 356 22 22-85; 598 72-18-72 (დირექტორი) 593 275-275 (რედაქტორი)

რეგისტრირებულია დედოფლისწყაროს რაიონის სასამართლოს მიერ, № 6 014-468.
გაზეთის გამომწერა წელიწადში - 20 ლარი